



PEKELILING PENTADBIRAN
BILANGAN 40 TAHUN 2022

KADAR BAYARAN IMBUHAN SARA HIDUP (BISH)
KEPADA STAF YANG DIPERUNTUKKAN
RUMAH UNIVERSITI
DI UNIVERSITI TEKNIKAL MALAYSIA MELAKA

Pejabat Pendaftar

15 Ogos 2022 | 17 Muharam 1444H

Disalinkan kepada:

Naib Canselor

Timbalan Naib Canselor (Akademik dan Antarabangsa)

Timbalan Naib Canselor (Penyelidikan dan Inovasi)

Timbalan Naib Canselor (Hal Ehwal Pelajar dan Alumni)

Pegawai-Pegawai Kanan

YDP Majlis Perwakilan Pelajar

UNIVERSITI TEKNIKAL MALAYSIA MELAKA

UTEM100-1/3/1(125)

15 OGOS 2022
17 MUHARAM 1444H

PEKELILING PENTADBIRAN BIL. 40/2022

KADAR BAYARAN IMBUHAN SARA HIDUP (BISH) KEPADA STAF YANG DIPERUNTUKKAN RUMAH UNIVERSITI DI UNIVERSITI TEKNIKAL MALAYSIA MELAKA

1.0 TUJUAN

- 1.1 Pekeliling Pentadbiran ini bertujuan untuk memaklumkan kepada semua staf Universiti Teknikal Malaysia Melaka (UTeM) mengenai kelulusan Mesyuarat Lembaga Pengarah Universiti Bilangan 2 Tahun 2022 pada 26 April 2022 dan Bilangan 3 Tahun 2022 pada 5 Julai 2022 berhubung kadar Bayaran Imbuhan Sara Hidup (BISH) kepada staf yang diperuntukkan Rumah Universiti di Universiti Teknikal Malaysia Melaka.
- 1.2 Rumah Universiti adalah bermaksud Rumah Khas Jabatan (termasuk rumah yang diperuntukkan kepada Pengetua Kolej Kediaman, Felo Kolej Kediaman dan staf tunggu sedia), Rumah Khas Jawatan dan Kediaman Rasmi Penjawat Tinggi Kerajaan/Universiti.

2.0 LATAR BELAKANG

- 2.1 Mesyuarat Lembaga Pengarah Universiti Bilangan 6 Tahun 2019 yang bersidang pada 18 Disember 2019 telah bersetuju untuk menerima pakai dengan pindaan Pekeliling Perkhidmatan Bilangan 7 Tahun 2019 berhubung kenaikan kadar Bantuan Sara Hidup (nama baharu adalah Bayaran Imbuhan Sara Hidup (BISH)). Lanjutan daripada itu, Universiti telah mengeluarkan Pekeliling Pentadbiran Bilangan 3 Tahun 2020 (Kenaikan Kadar Bantuan Sara Hidup di Universiti Teknikal Malaysia Melaka) bagi memaklumkan keputusan tersebut kepada semua warga Universiti.

- 2.2 Ketetapan Kerajaan berhubung kelayakan dan kadar pemberian BISH kepada pegawai yang diperuntukkan Rumah Kerajaan adalah mana-mana pegawai yang diberikan kemudahan Rumah Kerajaan hanya layak dibayar kadar penuh atau separuh (1/2) dari kelayakan BISH pegawai sebulan bergantung kepada jarak (dalam kilometer radius) di antara Rumah Kerajaan yang diperuntukkan kepada pegawai dengan tempat kerja (pejabat) pegawai seperti berikut:

JARAK DI ANTARA RUMAH KERAJAAN DENGAN TEMPAT KERJA (PEJABAT)	KADAR BAYARAN BISH SEBULAN
Dalam lingkungan 25 kilometer radius	Separuh daripada kelayakan pegawai
Melebihi 25 kilometer radius	Kadar penuh pegawai

- 2.3 Walau bagaimanapun, Universiti telah bersetuju untuk mengecualikan ketetapan di perenggan 2.2 di atas kepada staf yang dilantik sebagai Pengetua dan Felo Kolej Kediaman serta staf yang menduduki rumah tunggu sedia dan perkara ini telah dinyatakan di dalam Perenggan 3.7 Pekeliling Pentadbiran Bilangan 3 Tahun 2020 (Kenaikan Kadar Bantuan Sara Hidup di Universiti Teknikal Malaysia Melaka). Implikasi daripada pengecualian tersebut, Pengetua dan Felo Kolej Kediaman serta staf yang menduduki rumah tunggu sedia adalah dibayar BISH pada kadar penuh secara bulanan.

3.0 KETETAPAN TERKINI UNIVERSITI MENGENAI KADAR BAYARAN IMBUHAN SARA HIDUP (BISH) KEPADA STAF YANG DIPERUNTUKKAN RUMAH UNIVERSITI

- 3.1 Dapatan Pengauditan Pengurusan Pembayaran Gaji dan Elaun di Universiti telah dibentangkan di dalam Mesyuarat Lembaga Pengarah Universiti Bilangan 2 Tahun 2022 yang bersidang pada 22 April 2022. Mesyuarat tersebut telah bersetuju kadar elaun/insentif yang berkaitan dengan staf yang diperuntukkan Rumah Universiti hendaklah mengikut kadar kelayakan seperti mana yang ditetapkan di dalam Pekeliling/Surat Pekeliling Perkhidmatan/Surat Edaran yang berkuatkuasa.

3.2 Selaras dengan dengan keputusan oleh Lembaga Pengarah Universiti, Universiti perlu mematuhi dan melaksanakan sepenuhnya ketetapan asal Kerajaan yang terkandung di dalam Pekeliling Perkhidmatan Bilangan 7 Tahun 2019 (Kenaikan Kadar Bantuan Sara Hidup) berhubung kadar bayaran BISH kepada staf yang diperuntukkan Rumah Universiti sebagaimana dinyatakan di bawah:

Kadar Bayaran Imbuhan Sara Hidup (BISH) bagi staf yang diperuntukkan Rumah Universiti adalah seperti berikut:

- a. **Rumah Universiti dalam lingkungan 25 kilometer radius dari tempat kerja (pejabat) dibayar atas kadar separuh daripada kelayakan staf; atau**
- b. **Rumah Universiti melebihi 25 kilometer radius dari tempat kerja (pejabat) dibayar atas kadar penuh.**

3.3 Dengan keputusan tersebut, Perenggan 3.7 Pekeliling Pentadbiran Bilangan 3 Tahun 2020 (Kenaikan Kadar Bantuan Sara Hidup di Universiti Teknikal Malaysia Melaka) adalah dengan ini **dibatalkan**. Lain-lain peraturan yang terkandung di dalam Pekeliling Pentadbiran tersebut adalah tidak berubah dan masih lagi berkuat kuasa.

4.0 TARIKH KUAT KUASA

Pekeliling Pentadbiran ini berkuat kuasa mulai 1 Jun 2022.

Sekian, terima kasih.

“WAWASAN KEMAKMURAN BERSAMA 2030”

“BERKHIDMAT UNTUK NEGARA”

“KOMPETENSI TERAS KEGEMILANGAN”

Saya yang menjalankan amanah,



MASDZARIF BIN MAHAT

Ketua Pegawai Operasi

Universiti Teknikal Malaysia Melaka